

Headline	TNB kejar trebel, THT enggan putih mata		
MediaTitle	Berita Harian		
Date	09 Mar 2024	Language	Malay
Circulation	82,252	Readership	246,756
Section	Sukan	Page No	47
ArticleSize	274 cm <sup>2</sup>	Journalist	N/A
PR Value	RM 27,323		



## Final Piala TNB

# TNB kejar trebel, THT enggan putih mata

**Kuala Lumpur:** Tenaga Nasional Berhad (TNB) enggan terlalu yakin ketika pasukan itu hanya selangkah lagi bagi merangkul trebel dalam saingan Liga Hoki Malaysia (MHL) musim ini.

Sebaliknya, TNB tetap berwaspada dengan ancaman Pasukan Hoki Terengganu (THT) yang menjadi halangan terakhir mereka untuk merangkul gelaran trebel apabila kedua-dua pasukan membuat perhitungan di pentas final Piala TNB, hari ini.

Ketua jurulatih TNB, Nor Saiful Zaini Nasiruddin, berkata dia menjangkakan barisan pemainnya tidak akan berdepan laluan mudah dan ia akan menjadi aksi final yang sengit.

"Saya harap pemain dapat turun memberikan yang terbaik. Jangan bagi peluang kepada lawan dan guna sebaik mungkin peluang terhidang untuk jaringkan gol."

"Jika ada peluang jaringkan gol mereka kena jaringkan gol sebab semua pemain yang bermain bukan hanya untuk TNB tapi mereka



Nor Saiful (kiri) dan Fitri (dua kanan) pada sidang media menjelang aksi final Piala TNB hari ini.

juga berpeluang membuktikan mereka layak beraksi bersama pasukan kebangsaan," katanya.

Anak buah Nor Saiful sebelum ini cemerlang apabila berjaya menjulang trofi liga dan Piala Sumbangsih musim ini.

Sementara itu, kapten pasukan THT, Fitri Saari mengakui TNB adalah pasukan pilihan untuk

musim ini dan kehadiran pemain import dari Korea Selatan, Jang Jong-hyun antara kekuatan utama yang dimiliki lawan.

Namun, selaku juara bertahan, THT tidak akan mengalah dan akan cuba untuk mempertahankan piala yang dimenangi tahun lalu.

"THT turun sebagai 'underdog' kami tahu persiapan yang lawan

lakukan tapi THT juga mempunyai kombinasi pemain yang berpengalaman jadi kami akan cuba terbaik dalam setiap minit.

"Kita tahu mereka ada Jang yang mana pada aksi separuh akhir Jang jaringkan lima PC (pukulan sudut penalti) jadi untuk final ini kalau boleh kena elak bagi PC untuk lawan," katanya.